



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

Disp. IV. De virtutibus moralibus infusis

[urn:nbn:de:hbz:466:1-78232](#)

*E*st haec tanguosa nihil sit aliud, intueri; temperantia, A
terrenas cupiditates non reprimere, sed penitus obli-
visci; fortitudinis, passiones ignorare, non vincere;
justitia, ita cum divina mente sociari, ut servet perpe-
tuum cum ea sedus imitando.

Dilputant vero Theologi, an hæc divisio sit
in diversis species virtutis, sed solum in diver-
sos status ejusdem virtutis? Quia difficultas non
procedit de virtutibus exemplaribus: cum enim
virtutes illæ non sint humanæ, sed divinae, evi-
dens est illas plusquam specie differre a nostris.
Solum ergo queritur de aliis tribus, quæ politi-
ca, purgatoria, & purgati animi dicuntur, an es-
sentialiter differant, & dividant genus virtutis,
an solum accidentaliter, & penes diversos status
ejusdem virtutis?

Respondeo breviter cum Cajetano & aliis
Thomistis, has tres virtutes, politicas, purgato-
rias, & purgati animi, non esse specie diversas,
sed diversos status ejusdem virtutis, secundum
diversas perfectiones; sicut pueritia, adolescen-
tia, & virilitas, non faciunt diversos homines,
sed diversos status ejusdem hominis. Idem enim
habitus qui initio sunt virtutes politicae, quia
passiones ad medium rationis reducunt (per
quod homo sit animal perfectè politicum, & re-
de disponitur ut bene se habeat in rebus huma-
nis gerendis) perficiunt instantum ut passionum
immoderantiam collant, & tandem usque adeo
ascendunt, ut animum omnino purgent a ter-
renis cupiditatibus, & passionum perturbationi-
bus liberent.

Confirmatur: Omnes virtutes morales, quas
habentur in via, post resurrectionem remane-
bunt in patria eadem specie, & aliquando eadem
numero: Sed in patria omnes sunt purgati
animi, in via autem plurimum politicae, vel
ad summum purgatoria: Igitur hæc divisio est
in diversos status accidentales virtutis. Nec ob-
stat quod habeant diversos actus: illi enim non
differunt essentialiter, sed tantum accidentaliter,
quia semper producentur sub eadem ratio-
ne formalí uniti & ejusdem virtutis.

Solent etiam dividi virtus moralis in heroi-
cam & communem, seu vulgarem. Quæ distinc-
tio sumpta est ex Aristotele 7. Ethicorum, ubi
cum distinxisset tria circa mores fugienda, vi-
tium, incontinentiam, feritatem; vitro ait oppo-
nere virtutem, nempe vulgarem & communi-
ter dictam, continentiam vero incontinentiam; tandem
feritatem (quæ est status vitiæ deterrimus
& immannis, quo homo in bestiam prope dege-
nerat) virtutem heroicam, quæ live ob excellen-
tiam operis, fidei ob circumstantiam interve-
nientem quæ opus reddat difficillimum, erum-
pit in acutum superantem communem modum
operandi humanum.

Hac etiam divisione non est essentialis, sed dunque
accidentalis: cum enim sit eadem virtutis
communis & heroicæ ratio moriva, eadem item
utriusque natura & subjectum, non est unde eas
virtutes separamus specie, sed sufficit si statu &
perfectione accidentaria distinguantur; quo pa-

ro viria pueri perfectione essentiali non
differt, sed statu intra eandem spe-
ciem vario.

DISPUTATIO IV.

De virtutibus moralibus infusis.

Ad questionem 63. Divi Thomæ.

HUC usque egimus de virtutibus morali-
bus acquisitis, quæ à ratione naturali de-
pendent, & ex ejus influxu in nobis cau-
santur. Nunc disputandum est de aliis virtutibus
moralibus, quæ ab aliquo alio altiori principio,
scilicet Deo, cœlant in nobis, & unâ cum gra-
tia habituali infunduntur; id est que intus ap-
pellantur: de quibus differit S. Thomas hic qu.
63. art. 3. & 4.

ARTICULUS PRIMUS.

An dentur in nobis virtutes morales per
se infusa?

QUOD dentur virtutes aliquæ per se infusa, t.
nempe Theologica, fides, spes, & charitas,
certum & indubitatum est a pud. Theologo, ac
definitum in Concilio Tridentino tell. 6. cap. 7.
his verbis: In ipsa iustificatione cum remissione pec-
catorum hec omnia simul infusa accipit homo per le-
sam Christum, cui infertur, idem spiritum, & charita-
tem. Unde solum difficultas est & controversia
inter Theologos, an præter virtutes Theologicae,
dentur etiam virtutes morales per se infusa
cum gratia sanctificante, & cum ea indissolubili-
ter connexæ, temperantia scilicet, fortitudo,
justitia, & prudentia, quæ ab acquisitis specie &
essentialiter distinguantur? Ad cuius eviden-
tiam

Sciendum est, quod aliqua virtus potest esse
infusa duplice, vel per se, vel per accidens.
Est infusa per se, quando ex propria natura ha-
bet ut a solo Deo effectivè producatur, quæ est
ordinis supernaturalis & divini. Et hoc modo
charitas, & aliae virtutes Theologicae, dicuntur
per se infusa, quia a natura nulla sunt indita
principia, quibus acquirantur. Dicitur autem
virtus infusa per accidens, quando ex propria
natura habet ut possit per actus nostros acquiri,
& tamen per accidens, ex aliquo dispensatione
divina, alicui infunditur: & hoc modo dicuntur
infusa primo Parenti, & etiam Christo Domi-
no, virtutes ex genere suo acquisitibiles. Præsens
ergo difficultas non procedit de virtutibus hoc
secundo modo infusis, sed de virtutibus morali-
bus infusis per se, seu quæ de se, & ex natura sua
pertinet a Deo infundi. Has enim negant Scotus,
& ejus discipuli; admittunt ver. ceteri Theo-
logi, cum S. Thoma hic art. 3. Scotti sententiam,
ut erroneam, vel temerariam, aut saltem ut o-
mnino improbabilem, post definitionem Cle-
mentis V. in Concilio Vienensi, rejicientes.

§. I.

Conclusio affirmativa statuitur, & auctoritate Scripturae, SS. Patrum, & Concilii Viennensis confirmatur.

2. **D**ico igitur, necessariò admittendas esse virtutes morales per se infusas.

Probatur primò ex Scriptura: dicitur enim Sapient. 8. Sobrietatem & prudentiam docet (supple divina sapientia) & justitiam, & virtutem, quibus nihil est utilius in vita hominibus. Et atra: Sciri quoniam aliter non possum esse continens, nisi Deus det. Sed quod Deus dacer, & dat, habetur solum per infusionem à Deo: Ergo datur in nobis aliqua sobrietas, seu temperantia, prudens, justitia, & fortitudo (quæ sunt virtutes morales & cardinales) infusa à Deo, subindeque virtutes morales infuse necessariò admittendas sunt. Unde Glossa ibidem ait: *Has autem virtutes nemo habet, nisi cui omnium virtutum origo Deus contulit.*

Hoc idem confirmant Thomistæ ex pluribus aliis Scripturæ testimoniis: Sapient. 7. Venerunt mihi omnia bona pariter cum illa, & innumerabiles honestas per manus illius. Ubi per innumerabilem honestatem, secundum Glossam, intelliguntur virtutes, quæ circa bonum honestum versantur. Item ad Galat. 5. fructus Spiritus Sancti dicuntur gaudium, pax, benignitas, mansuetudo, continentia, castitas, &c. quæ sunt verae virtutes morales; dicuntur vero fructus Spiritus Sancti, quia ab eo specialiter infunduntur.

3. Favent etiam SS. Patres: Augustinus enim Tract. 8. in 1. Epist. Joannis, asserit pietatem, castitatem, modestiam, sobrietatem, & similes virtutes, quæ non possunt esse nisi morales, residere in anima justi, tanquam exercitum cui Christus imperat, & quibus utitur ut ministris, cum incipit in nobis habitare per gratiam. Gregorius verò homil. 5. in Ezechiel, hæc scribit: *Potest mobilitas spiritus aliter intelligi: in Sanctorum quippe cordibus iuxta quasdam virtutes semper permanet, iuxta quasdam vero recessus venit, & venturus recedit.* In fide enim, spe, argue charitate, & in aliis bonis, sine quibus ad calorem patrum non potest veniri sicut est humilitas, castitas, justitia, misericordia, perfectionis cordis non deserit; in prophetia vero virtute, doctrina, & cunctis, miraculorum exhibitione, electus suis aliquando adest, aliquando se subtrahit. Quibus verbis aperte docet Spiritum Sanctum habitare in cordibus nostris, & in anima permanere, non solum ratione charitatis, sed etiam per humilitatem, castitatem, justitiam, & misericordiam, quæ sunt virtutes morales, subindeque virtutes morales à Spiritu Sancto nobis infusas, una cum gratia sanctificante, agnoscit.

4. Nec valet quod ait Vazquez, omnia illa loca intelligi posse de virtutibus acquisitis. Nam contra est, quod virtutes acquisitæ non veniunt cum sapientia, non dicuntur fructus Spiritus Sancti, non semper comitantur justos, non necessaria sunt ad vitam aeternam, nec per eas dicitur Christus vel Spiritus Sanctus in nobis habitare. Denique alia encomia virtutum moralium, quæ in Scriptura & Patribus habentur, non possunt acquisitis adaptari.

5. Accedit auctoritas Concilij Viennensis, ubi Clemens V. qui Concilio præcerat, postquam

A seruit diversas Doctrorum opiniones circa infusionem habituum quæ sit in Baptismo, sic ait: Nos attendentes generalem efficaciam mortis Christi, quæ per Baptismum applicatur pariter omnibus baptizatis, opinionem quo dicit tam parvulus, quam adultis conferriri in Baptismo informantem gratiam & virtutes, tanquam probabilitem, & dictu Sanctorum, & Doctrorum modernorum Theologie magis consonam, & concordem, sacro approbante Concilio, duximus felicem. Quibus verbis Concilium nostrum opinionem eligit ut probabilitem, & dictis Sanctorum Patrum, & Theologorum magis consonam.

Nec dici potest, quod cum Concilium praefert sententiam, que docet in Baptismo gratiam & virtutes infundi, loquatur solum de virtutibus Theologicis, non de moralibus. Nam Pontificis mens (ut fatetur Vazquez) fuit definire questionem quam Innocentius III. in Concilio Lateranensi indecisam reliquerat. Sed questione illa erat non solum de virtutibus Theologicis, sed etiam de moralibus: Ergo, &c. Minor probatur ex verbis Innocentij, nam in cap. Maiores, sic habet: illud vero opposentes (id est heretici) inducent, fidem, aut charitatem, aliasque virtutes parvulis, utpote non consentientibus, non infundi, a plerisque non conceditur absolute, cum propter hoc inter Doctores Theologos quæstio referatur. Si autem solum fuisset controversia de virtutibus Theologicis, postquam Pontifex dixit, fidem, aut charitatem, non debuisset subdere, aliasque virtutes, in numero plurali, qui præter illas duas virtutes Theologicas, est tantum una alia, nimirum spes: Ergo, &c.

Confirmatur: Clemens qui præfuit Concilio Viennensi, verbis illis, dictis Sanctorum, & modernorum Theologie Doctrorum magis consonam, significat se loqui de controversia qua suo tempore extabat inter Theologos: At certum est eo tempore, nimirum circa annum 1311. quo Concilium Viennense celebratum est, fuisse maximam inter Theologos dissensionem, & controversiam de infusione virtutum moralium, Scottis illam negantibus, affirmantibus vero Thomistis, qui semper pro veritate acriter decertarunt: Ergo Concilium intendit, quod non solum virtutes Theologicas, sed etiam morales infunduntur à Deo parvulis in Baptismo una cum gratia sanctificante. Unde Catechismus Romanus hanc Concilij Viennensis definitionem sequitus, parte 2. cap. 2. §. 1. numerans effectus Baptismi, qui cum gratia tribuantur, sic ait: *Huius additur nobilissimus omnium virtutum coniunctus, quo cum gratia divinitus infundatur.*

§. II.

Rationibus Theologicis eadem veritas suadetur.

V Aria à Cajetano, & aliis Thomistis adduci solent rationes Theologicas ad probandum necessariò admittendas esse virtutes morales per se infusas.

Prima sic potest proponi: Homo constitutus per gratiam in esse supernaturali, non minus debet esse perfectus in operando modo supernaturali, quam in ordinem naturæ in operando modo naturali; gratia enim in suo ordine non minor debetur perfectio, quam in suo debetur-

tur, Sed in ordine naturæ perficitur homo non solum circa finem ultimum, quod habet à naturali synderei, naturalique rectitudine voluntatis, sed etiam circa fines non ultimos, quod habet per virtutes morales acquisitas. Ergo similiter in ordine supernaturali utramque perfectio- nem habere debet, subindeque ordini gratiæ debentur non solum virtutes Theologicæ, quibus homo perficitur & ordinatur ad beatitudinem supernaturalem, sed etiam virtutes morales infuse, quibus in ordine supernaturali perficiantur in ordine ad media, quia ad illam conducent. Virtutes enim morales acquisitæ, cum sint ordinis naturalis, & à prudentia naturali regulentur, nec finem supernaturalem, nec media ad illum conducientia valent attingere.

A 7. Confirmatur & magis illustratur hæc ratio: Natura humana v.g. est radix omnis perfectionis, quæ sibi debetur, five circa finem, five circa media, id eoque nulla est virtus acquisita, quæ non sit aliquo modo à tali natura medianente dictamine prudentiæ & influxu rationis. Ergo similiter gratia debet esse radix omnis perfectionis, omnisque virtutis sibi debitæ; alias ista erit sibi minus sufficiens, illiusque opere indigebit. Cum igitur gratia debeat non solum virtutes perficientes hominem circa ultimum finem supernaturalem, quæ sunt virtutes Theologicæ, sed etiam perficientes circa media, quæ sunt virtutes morales, debent omnes a ipsa gratia oriri, atque adeo præter virtutes Theologicas admitti, debent virtutes morales supernaturales, & infuse.

B 8. Respondent primò Adversarij, virtutes morales acquisitæ sufficierent elevari per imperium charitatis ad attingenda media supernaturalia, necessaria pro obcinendo fine supernaturali, subindeque virtutes morales infusaæ ad hoc non esse necessarias, nec ordini gratiæ debitas.

Sed contra primò: Licet per imperium charitatis virtutes morales acquisitæ eleventur ad finem supernaturalem, ad illum tamen elevantur ut quid improportionatum & inferioris ordinis, tantumque eis imperat charitas, ut extraneis minimis & alienis instrumentis: Ergo nisi dentur virtutes morales infusaæ ex propria natura aptæ natæ charitati inservire, & operari propter ejus finem, non manebit supernatura- lis ordo perfectus.

Contra secundò: Licet charitas det virtutibus moralibus acquisitæ relationem ad finem ultimum tanquam ad finem extrinsecum, non tamen immutat earum objecta, neque facit, ut attingant in nostris operationibus medium, quod ratio supernaturalis constituit, quod est bonum supernaturale honestum; alias tales virtutes non modo quoad relationem charitatis, sed etiam quoad tendentiam ad objectum, & E secundum suam substantiam esse supernaturales: Ergo ex eo quod charitas imperet virtutibus moralibus acquisitæ, non tollitur nece- sitas virtutum moralium infusarum, quibus medium supernaturale attingatur.

Tertio: ut virtus acquisita, v.g. fortitudo, possit imperari à charitate, debet prius natura imperari à fortitudine infusa, ita ut hoc imperium sit dispositio ad illud: cum enim virtus acquisita, & ejus actus sint infimum in ordine morali, & virtus charitatis supremum, nequit ab illo ad humum imperium perveniri, nisi per ali-

A quod medium, quod est virtus moralis infusa. Congruitque hoc ordini divina providentia, qua infima movere per media, & haec per superiora. Deficiente ergo virtute moralis infusa, non posset motio charitatis ad acquistam per tingere, neque ejus actum meritorium reddere; ut expressè docet S. Thomas quæst. de virtutibus art. 10. ad 4. his verbis: *Cum nullum meritum sit sine charitate, actus virtutis acquisita non potest esse meritorius sine charitate. Cum charitate autem simul infunduntur aliae virtutes: unde actus virtutis acquisita non potest esse meritorius, nisi media te virtute infusa; nam virtus ordinata in finem inferiorem, non facit actum ordinatum ad finem superiorem, nisi aydi. De virtute superiori.*

B 9. Respondent secundo Adversarij, ad attin- genda media supernaturalia sufficere Spiritus sancti dona.

Sed contra: Dona Spiritus sancti ponuntur solum ad operandum modò extraordinariò, etiam intra ordinem supernaturalem, ex insin- ctu scilicet & motione speciali Spiritus sancti, ut dicens in ultima disputatione: Ergo præ- ter dona admitti debent virtutes morales infusaæ ad operandum modò ordinariò intra ordi- nem supernaturalem.

C 10. Secunda ratio est, quam D. Thomas hic art. assignat. Virtutes Theologicæ se habent in ordine gratiæ, sicut se habent synderesis & appetitus naturalis beatitudinis in ordine naturæ; nam sicut per hoc principia naturalia ordinatur creatura intellectualis ad finem naturalem, sic per virtutes Theologicas ordinatur ad finem supernaturalem: Sed ex efficacia horum prin- cipiorum naturalium habentur virtutes morales ordinis naturalis, ac proinde acquisitæ, ut communiter conceditur: Ergo cum non sit mi- nor efficacia virtutum Theologicarum, ex il- lis procedunt virtutes morales ejusdem ordinis, in eodem instanti cum ipsis infusaæ; quicquid enīm est in nobis ordinis supernaturalis, debet à Deo ut auctore supernaturali produci, ac nobis infundi.

D 11. Tertia ratio: Tot debentponi potentia & habitus, quot sunt objecta formaliter distin- cta: Sed in materia morali, circa quam ver- santur virtutes morales, dari potest duplex ob- jectum formaliter diversum, unum naturale, & aliud supernaturale: Ergo etiam distinguuntur duo genera virtutum moralium, & præter naturales & acquisitæ, admitti alia, quæ sunt supernaturales & infusaæ. Major constat: uni- tas enim & distinctio specifica potentiarum & habituum sumitur ex unitate & distinctione objectorum formalium, ut docetur in Philoso- phia. Minor vero siadetur: Objectum formale virtutis moralis est medium per prudentiam & rectam rationem in passionibus & operationi- bus humanis constitutum: Sed tale medium po- test esse duplex, naturale scilicet, & supernatu- rale: Ergo & objectum formale virtutum moralium. Minor probatur: nam si prudentia innixa principiis practicis naturalibus, per syn- deresim cognitis, dicit & constituit tale me- dium, illud erit naturale; supernaturale vero, si constituitur à prudentia supernaturali & infusa, quæ innititur virtuti Theologicæ fidei: hæc enim se habet in ordine supernaturali ut synderesis.

Potest hoc variis exemplis illustrari & de- clarari. Primum est in materia temperantia:

Vt mode-

moderatio enim passionum & delegationum gustus & tactus, quæ est medium huius virtutis, vel potest elici ut expedit ad rectum usum rationis naturalis, & vitam corporalem secundam regulam naturalis rationis, & sic est objectum naturale, vel prout expedit ad supernaturalem vitam gratiæ secundum regulas fidei, & prudentia infusa, quæ malitiae petunt majorem parcitatem, aut eriam omnino modum abstinentiam, adversam sanitati corporali, sive ad liberius Deo vacandum, sive ad satisfaciendum pro peccatis, sive ad corporis castigationem, & subjectiōnem carnis ad spiritum, & sub hac ratione est objectum supernaturale. Similiter æqualitas in operationibus datur, quæ est medium virutis justitiae, vel potest fieri inter homines, ut sunt cives Sanctorum, & domestici Dei, prædicti supernaturali lumine, & capaces beatitudinis exteriorum, inter quos deberaliori ratione pax & societas conservari, & hoc pacto est medium supernaturale, & objectum justitiae infusa. Idem proportionaliter de fortitudine dicendum est: nam si habeat firmare appetitum contra mortis pericula in bono naturali, & in ea mensura, quam ratio naturalis servandam esse dictat, constitueretur objectum fortitudinis acquisitum; ut si quis pro defensione patriæ firmus maneat contra pericula mortis: si verò firmer in bono supernaturali, ut contingit in martyrio, in quo pro defensione fidei Christianæ Martyres sustinunt mortem, erit objectum fortitudinis infusa.

12. Quartaratio: Ubi est diversum esse, & diversa vita, ibi sunt diverse operations, & diverse virtutes. Sed homo per gratiam habet diversum esse, scilicet divinum, & diversam vitam etiam moralem, nempe divinam & supernaturalem: Ergo in ordine gratiæ dantur diverse operations, & diverse virtutes, non solum Theologica, sed etiam morales.

13. Ultima ratio: Datur prudentia infusa: Ergo dantur etiam alia virtutes morales per se infusa. Consequentia patet: requiriatur enim necessario virtus in apperitu proportionata ad illud eligendum & exequendum, quod prudentia dicit. Antecedens vero probatur: Licet enim per fidem & Theologiam cognoscatur in universaliter & speculative medium in passionibus & actionibus humanis servandum in ordine ad finem & beatitudinem supernaturalem; illa tamen non sufficiunt ad dictandum tale medium in particulari hic & nunc esse eligendum, ut operatio sit recta, & finit supernaturali accommodata; & multò minus ad judicandum practice per modum imperij, tale medium esse executioni mandandum. Ergo ad hanc munera obeyenda prudentia infusa & supernaturalis necessariò admittenda est.

§. II.

Solvuntur objections.

14. Objec̄tus primò: Habitus virtutis ponitur ad tribuendam potentiam facilitatem respectu actus: Sed homo per infusionem gratiæ non

recipit hanc facilitatem, cum non minus difficultate operetur bonum, quam si gratiam recipisset, ut experientia patet, peccatores enim operibus vitiosis afflictæ, quando convertuntur, & gratiam consequuntur, operantur cum magna difficultate, & renisi appetitus sensitivi, opera virtiosa, donec per illorum exercitium virtutes acquirant: Ergo in justificatione non infunduntur illis habitus virtutum moralium una cum gratia sanctificante.

Confirmatur: Signum virtutis est operari^{15.}, cum delectatione: Sed peccator, qui in justificatione recipit gratiam, non statim cum delectatione elicit actus virtutum moralium: Ego non recipit cum ea virtutes morales.

Ad objectionem respondeo, distinguendo Majorem: Habitus virtutis ponitur ad tribuendam potentiam facilitatem, intrinsecam consonantem in complemento & ultima perfectione potentia operativa, concedo Majorem: facilitatem extrinsecam, quæ provenit ex remotione impedimentorum, nego Majorem. Similiter distinguo Minorem: Homo per infusionem gratiæ non recipit facilitatem ad operandum, extrinsecam, concedo Minorem: intrinsecam, nego Minorem, & Consequentiam.

Explicatur solutio: Duplex dari potest facilitas respectu aliquius actus; alia per se & intrinseca, quæ consistit in eo, quod principium elicivitum talis actus sit sufficiens proportionatum & completum respectu illius: alia extrinseca, quæ provenit ex remotione impedimentorum, aut indispositionum, quæ erit existente perfecto & completo praedicto principio impedium, vel reddit difficile exercitium operationis. Virtus ergo sive acquisita, sive infusa, tribuit primam facilitatem, quia essentialiter haber completere potentiam elicivam actus: secundam verò tribuit virtus acquisita, non formaliter, quia ipsa sit ablatio talium impedimentorum, sed concomitantem, quia requirit ad generationem exercitium multorum actuum, per quos illa impedimenta tolluntur. Ex quo patet cur in peccatoribus de novo conversis & justificatis exercitium bonorum operum sit laboriosum, illique cum magna difficultate & renisi appetitus sensitivi operentur; quia nempe per virtutes infusas, una cum gratia sanctificante in justificatione receptas, non fuerunt sublata impedimenta extrinseca, quæ bonorum operum exercitium laboriosum & difficile reddit; hæc enim non tolluntur, nisi peractus virtutum sepius repetitos.

Ad confirmationem respondet Divus Thomas aquila de virtutibus art. 10. ad 15. quod quia à principio virtus infusa non semper ita tollit sensum passionum, sicut virtus acquisita, propter hoc à principio non ita delectabiliter operatur. Nam tamen hoc est contra rationem virtutis: quia quodcumque ad virtutem sufficit sine tristitia operari: nec requiritur quod delectabiliter operari propter molestias quas sentit, sicut Philosophus dicit 3. Ethic. quod fortis sufficit sine tristitia operari. Neque quilibet tristitia contrariatur virtuti infusa, sed ea tantum, quæ graviter adversatur rationi & legi Dei.

Objec̄tus secundò: Virtus per se infusa debet^{16.} habere objectum & motivum intrinsecum supernaturale: Sed motivum intrinsecum temperantia v.g. non potest esse supernaturale: Ergo

neque ipsa virtus. Major patet: virtus enim per se infusa est quoad substantiam supernaturalis; virtus autem supernaturalis quoad substantiam debet habere objectum & motivum intrinsecum supernaturalē. Minor etiam manifesta videtur: nam motivum intrinsecum temperantiae est mediocritas in cibo & potu: Sed hæc non excedit ordinem naturæ, sicut nec materia, in qua reperitur: Ergo &c.

^{13.} Respondeo concessa Majori, negando Minorem. Ad cuius probationem distinguo Minorem: mediocritas ut constituta per prudentiam naturalem, & in ordine ad finem naturalem non excedit ordinem naturæ, concedo Minorem: ut constituta per prudentiam infusam, & in ordine ad finem supernaturalē, nego Minorem, & Consequentiam.

^{14.} Obiecieo tertio: Si virtutes cum gratia infunderentur, expellerent à justificato virtus præexistentia; contraria enim non possunt esse simul, sed mutuo se expellunt: At hoc est contra manifestam experientiam; videamus enim recenter justificatos manere per aliquod tempus ita virtutis affectos, proclivesque ad peccandam, sicut antea: Ergo &c.

^{15.} Respondeo negando sequelam Majoris. Ad cuius probationem dicendum cum S. Thoma in 4. dīl. 14. qu. 2. art. 2. ad 4. virtus non habere formalē oppositionē cum virtutibus infusis: Tum quia opponuntur formaliter virtutibus acquisitis; univerò unum tantum est contrarium, ut ait Aristoteles 1. de cœlo cap. 2. Tum etiam quia oppositio formalis non reperitur nisi inter ea, quæ sunt ejusdem generis: virtus autem non sunt ejusdem generis cum virtutibus infusis, cum virtus sint ordinis naturalis, virtutes vero infusaæ supernaturales; & naturalia, ac supernaturalia non solum differant generē proximo, sed etiam remoto, ut plures gravissimi Theologο docent. Unde nihil mirum si virtus adhuc remaneant introductis virtutibus infusis.

Addit idem S. Doctor quæst. 1. de virtutibus art. 10. ad 16. In eo, qui habet habitum intemperantiae, cum conteritur, non remaneat cum virtute temperantiae infusa habitus intemperantiae in ratione habitus, sed in via corruptionis quasi dispositio quædam: dispositio autem non contrariatur habitui persistenti. De quo fuis in tractatu de vitijs & peccatis.

§. III.

Corollaria precedentis doctrine.

^{16.} Ex dictis inferes primò: virtutes morales per se infusas distinguuntur species ab acquisitis: recipiunt enim objecta formaliter diversa, ut in secunda ratione ostendimus, & declarat D. Thomas qu. 1. de virtut. art. 10. ad 8. his verbis: Temperantia infusa & acquisita convenienter in materia, utraque enim est circa delectabilitia tactus, sed non convenienter in forma effectus, vel actus; licet enim utraque querat medium, tamen alia ratione querit medium temperantia infusa, quam temperantia acquisita: nam temperantia infusa exquirit medium secundum rationes legis divinae, que accipiuntur ex ordine ad ultimum finem: temperantia autem acquisita accipit medium secundum inferiores rationes in ordine ad bonum presentis vita.

^{17.} Inferes secundò, virtutes morales infusas in fundi simul cum gratia sanctificante in instanti justificationis: tum quia sunt proprietates gra-

Tom. III.

tiæ: tum etiam quia cum homo in eo instanti constituitur in esse, & vita supernaturali, debent ei ex tunc conferri principia ad omnes operationes hujus ordinis, subindeque non solum virtutes Theologicae, sed etiam morales infusaæ. Addo quod in instanti justificationis totus homo interior sanctificari & renovari debet, tam secundum animam, quam secundum potentias, omnique gratia supellestili exornari: sicut autem anima ornatur per gratiam sanctificantem, sic potentia per omnes virtutes, atque adeo debent haec simul cum illa infundi. Unde D. Thomas 1. fra qu. 65. art. 3. in corp. Oportet quod cum charitate simul infundantur omnes virtutes morales, quibus homo perficit se ad genera bonorum operum.

^{18.} Inferes tertio, in qualibet justo tot ad minimus dari virtutes morales infusas, quorū acquisitas: eadem enim materia, quæ ut regulatæ per rationem, & prudentiam naturalem, sunt objecta virtutum moralium acquisitarum ut regulatæ per rationem supernaturalē & prudentiam infusam sunt objecta formalia virtutum moralium infusarum.

^{19.} Quæres, utrum per actus virtutum infusarum frequentatos generetur aliquis habitus? Respondeo negative. Etenim vel talis habitus est-ejusdem speciei cum infuso? & hoc non, quia duo accidentia solo numero distincta nequeunt esse in eodem subjecto, saltem naturaliter: vel esset diversæ speciei? & hoc etiam dici non potest, quia actus generant habitus sibi similes; adeoque cum actus virtutum infusarum sint inveniēt, & essentialiter supernaturales, non poterunt generare habitum naturale, & diversæ speciei. Fateor tamen, hoc ipso quod aliquis frequentat actus virtutum infusarum, ipsum disponi & facilitari, ut circa candem materiam possit ex motivo naturali operari per virtutem acquisitam; ideoque ex uno motivo facile transire ad hanc, & virtutem acquisitam circa eandem materiam generare. Ex quo facile intelliges id, quod habet S. Thom. qu. 17. de vestit. art. 1. ad 4. secundo loco positū, nimirum per actus charitatis & aliarum virtutum infusarum digni habitum: non enim vult quod formaliter per illos actus generetur, sed dispositivè solum, quatenus per frequentationem actuum ex motivo supernaturali facilitari quis potest circa talem materiam, ut sub motivo naturali in illam feratur: sic enim credens per fidem infusam, & ex motivo supernaturali res ab Ecclesia propositas, facilitatur ad eas credendas ex motivo fidei humanae, putà quia sic à parentibus accepit.

ARTICULUS II.

An virtutes morales infusa, que sunt circa passiones, in appetitu sensitivo subjectemur?

^{20.} Certeum est virtutes morales infusas, quæ versantur circa actiones, quæ sunt ad alterum, ut iustitiam & partes eius, in sola voluntate recipi; appetitus & animi sensivus ob suam materialitatem potest tantum attingere bonum proprium, non autem bonum alienum, maximè si sit supernaturale. Unde præsens difficultas reducitur ad virtutes morales infusas, quæ sunt circa

V u 2

circa

circa passiones, quales sunt fortitudo, & temperantia, & aliae virtutes eis annexae. Ratio vero dubitandi est, quia virtutes morales in usus sunt supernaturales quoad substantiam. Sed virtutes supernaturales quoad substantiam non videntur posse subjectari in appetitu sensitivo; quia quod in eo recipitur debet esse materiale, virtutes autem supernaturales immateriales sunt, cum supernaturalitas sit supra totum genus corporum, & omnia hujus generis accidentia. Ergo virtutes morales infusa, que sunt circa passiones, non possunt subjectari in appetitu sensitivo. Nihilominus

28. Dico, virtutes morales infusa, que versantur circa passiones, ut fortitudinem & temperantiam eam earum partibus, in appetitu sensitivo, non vero in voluntate subjectari. Ita expressè docet D. Thomas vatis in locis: nam infra quæst. 85, art. 3, assignans subiectum omnium virtutum moralium, que erant in statu iustitiae originalis, ac proinde tam supernaturalium, quam naturalium, sic ait: *Sunt autem quatuor potentie animæ, que possunt esse subjecta virtutum, scilicet ratio in qua est prudenter, voluntas in qua est iustitia, irascibilis in qua est fortitudo, concupisibilis in qua est temperantia.* Idem docet quæst. de virtutibus art. 10. ad 11. ubi dicit, quod fortitudo & temperantia, virtutes infusa, sunt in appetitu sensitivo. Cum enim sibi obiecisset, virtutem infusam ex Augustino esse bonam mentis qualitatem, ac proinde deberet subjectari in parte rationali, sic respondet: *Irascibilis & concupisibilis accipiunt nomen rationis, vel rationis, in qua intam participant aliquatenus rationem, in qua tamen obediunt ei: illa ergo secundum eundem modum accipiunt nomen mentis, prout obediunt menti, ut verum sit, quod Augustinus dicit, quod virrus infusa est bonus quodlibet mentis.* Igitur manifestum est iuxta D. Thomæ doctrinam, fortitudinem & temperantiam infusam in appetitu irascibili & concupisibili subjectari.

27. Ratio etiæ id suadet: In ea enim potentia subjectantur virtutes, cuius sunt actus proprii illarum; nam virtutes dantur potentiarum operatæ, quando non est naturaliter rectificata in ordine ad proprios actus, seu ut tales actus ab ea procedant omnino perfecti. Sed actus virtutum moralium infusarum, que versantur per se primò circa passiones, sunt actus proprii appetitus sensitivi, cum sine passione moderata talis appetitus secundum prudentiam infusat, ut moderata audacia, moderatus timor &c. haec quippe passiones moderatae ex motivo supernaturali, ac ita rectificatae in ordine gratia, sunt actus virtutum moralium infusarum; moderatae vero ex motivo naturali, ac ita rectificatae tantum in ordine naturæ, sunt actus virtutum moralium acquisitarum: Ergo virtutes morales infusa, que versantur per se primo circa passiones, ut fortitudo & temperantia cum earum partibus subjectantur in appetitu sensitivo.

Ad rationem vero dubitandi initio propositam dupliciter responderi potest: Primo cum Salmanticensibus, virtutes morales infusa esse corporeas. subindeque in appetitu sensitivo posse subjectari. Nec obstat quod virtutes illæ sint supernaturales; corporeum enim non excluditur secundum se totum à ratione supernaturalitatis, ut patet in modo presentia corporis Christi ad species Sacramentales, qui est vere corporeus, utpote receptus in corpore, & ab

A eo dependens, & tamen nullus dicere audebit modum illum esse naturalem. Similiter igitur, quia tale corpus in triduo mortis manit Verbo hypostaticè unitum, prout ex parte corporis se tenebat, sicut quid corporeum proper fuisse rationem dependentem à corpore; & tamen, cum esset ordinis hypostatici, non scilicet ordinem naturæ, sed etiam gratia excedebat: igitur proper solam corporeitatem non debet aliquid à supernaturali ordine excludi. Neque etiam est contra rationem rei corporeæ, excedere in perfectione aliquam rem spiritualem: quia licet spirituale ex parte subjecti corporeum excedat, istud tamen per ordinem ad terminum, vel objectum quod respicit, ita dignificari & elevari potest, ut simpliciter speciosius, nullique creatæ, vel creabilis substantia debeat, in quo ratio supernaturalis consistit.

Hæc solutio & doctrina probabilitate non careret: plures tamen patitur difficultates & instantias, ex eo præterim quod virtutes infusa sunt proprietates gratiae sanctificantis, subindeque ejus naturali sapere debeat; unde cum gratia sit qualitas immaterialis & spiritualis quoad substantiam, idem de virtutibus infusa videtur dicendum. Quare

Secundo, & forte melius responderet, virtutes infusa appetitu sensitivo esse formaliter immateriales, & corporeas tantum eminenter, & ut quo. Sicut enim anima rationalis est formaliter spiritualis, & simul corporea ut quo, & virtualiter, quia sub ratione alicui confert effectum formalem formæ corporeæ: ita similiter, quia virtutes infusa appetitu sensitivo sub eminentiori ratione participationis divinitati supernaturalitatis conferunt suum effectum formalem, qui quantum ad aliquid non exedit proportionem virtutis corporeæ (scilicet inclinare ad medium in passionibus; ad quod inclinare etiam virtutes acquisitæ, quamvis longè diverso modo, quia ista ad illud ut naturale paret, virtutes vero infusa ad idem ut supernaturale inclinant) sunt formaliter immateriales, & simul corporeas virtualiter, & ut quo: unde quæ spirituales formaliter dicunt habitudinem ad predictum medium, ut supernaturale & proportionatum fini ultimo supernaturali quatenus vero corporeæ ut quo, respiciunt potentiam corpoream, eamque perficiunt in ordine ad illud, quod pertinet ad objectum proprium ipsius, & in appetitu sensitivo subjectantur: sicut anima rationalis, ex eo quod est corporeæ ut quo, & virtualiter, dicit habitudinem ad materiam tanquam ad proprium subiectum informationis, quamvis ab ea non dependeat secundum suum esse, ex eo quod est substs.

DISPUTATIO V.

De proprietatibus virtutum.

Ad quæst. 64. & tres sequentes.

QUATUOR hic explicat D. Thomas virtutum proprietates. Prima est, quod consistunt in medio: Secunda, quod sunt in-